

fol. 56 zr. ~~zr.~~ verkhaufften 675 Suden, jeder
4 Gulden, dahero 2700 fl. erlöst wordten,
als treffen obige 5 Suden, darfir dem
dermahligen Churfürstlichen Pfleger die Schuldigkeit
in erstbemelten ~~Sehe~~ Anschlag gegen Schein
N^o. 377 behendiget den 14. May Anno 1691
20 fl. — —

Eine gleiche Mainung hat es auch mit dem
Churfürstlichen Casstner alhier, deme ebenfahls
wegen der zue bemeltem Churfürstlichen Cassten-
amt vrbar gewessten vnnd hernach zum
Churfürstlichen Preuambt gezogenen Stattmihl fir
gehabten Claindienst 4 Preu Tröbern be-
williget, welche mit Gelt abgestattet vnd
treffen solche 4 Preu, iede nach 4 Gulden,
so *p.* Herrn Johan Ferdinandt von Limpöckh
vermög Scheins vnderm *dato* 28. May A^o.
N^o. 378 1691 bezalt
16 fl. — —

Huius 36 fl. — —

[fol. 193v]

Demnach *p.* Iro Churfürstlich Durchlaucht lauth dero
Rhatt vnnd Rentmaisters zue Straubing *sub*
dato 28. *7bris* Anno 1668 zum alhiesigen
Churfürstlichen Preuambt abgelassenen vnd
der 1668ig-iehriegen Preurechnung *sub*
N^o. 397 *fol.* 176 beigelegten Amtsschreibens
genedigist bewilliget, das ainem Statt Thurner
alda zue Kellhamb neben deme, was
er vorhin von dem Mauttamt, dan
dem Gottshaus vnnd der Statt des Iahrs
Besoldtung hat, auch von S. Churfürstlich Durchlaucht
Preuambt iehrlichen zwainzig Gulden
verraicht wordten, das er hingegen schuldig
sein solle, vf das Preuhaus vnnd dessen
Angehörungen der Feuers Gfaher halber
vleissige Obsicht zuhalten, als ist dem der-
mahligen aufgestellten Statt Thurner
Vlrich *Knappen* paar abgestattet
wordten, nach sag Scheins, datirt
N^o. 379 den 14. May Anno 1691
20 fl. — —

Huius per se